

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis


Schöpflin, Johann Daniel

Carolsruhae, 1765

CCXXXIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

tal under Keppenbach hatten oder solten han . . . Harumbe ze
 einem offen urkunde . . . so haben wir denselben von Tennibach und
 irem Closter disen Brief gegeben besigelt mit unsern beden Ingesigeln, dis
 beschach do dirre Brief wart gegeben in dem jare do man zalte von Got-
 tes geburt drüzehenhundert jar und vier und zweinzig jar an sant Ceci-
 lien abent einer Megde.



CCXXXIII.

CHARTA RUDOLPHI CONSTANTIENSIS EPISCOPI,
 AB OFFICIALI CURIÆ CONSTANTIENSIS PUBLICA AU-
 CTORITATE DONATA, QUA TRES ECCLESIE KILCHEM,
 EINMUTINGEN ET MATRA MENSÆ ET USIBUS
 CAPITULI S. PETRI BASILIENSIS
 ADJUNGUNTUR.

ANNO MCCCXXV.

Ex tabulario San-Petrino Basilea.

Officialis Curie Constantiensis omnibus presentium Inspektoribus salu-
 tem ad notitiam subscriptorum. Noverint omnes, quos nosse
 fuerit oportuum, quod nos sub anno domini MCCCXXV. in vigilia
 Beati Andreæ vidimus literas infra scriptas sanas & integras non can-
 cellatas non abolitas nec in aliqua sui parte uitiatas cum pendentibus
 filis fericis sigillis duobus videlicet sigillo venerabilis in Christo Patris

ac Domini Rudolphi Dei gratia Constantiensis Episcopi nec non sigillo honorabilis Capituli Ecclesie Constantiensis, quarum literarum tenor talis est.

In nomine Domini amen. Rudolphus Dei gratia totumque Capitulum Ecclesie Constantiensis omnibus presentium Inspectoribus subscriptorum notitiam cum salute. Sollicitudinis nostre cura debet esse potissima, ut hiis munificentie & beneficii propensioris dexteram porrigamus, qui vigili studio & labore divinis officiis & serviciis (a) se exponunt. Supplicarunt nobis utique honorabiles in Christo Præpositus Custos Scolasticus & Capitulum Ecclesie S. Petri Basiliensis, quod cum paucos haberent redditus, de quibus considerata ydoneitate & honestate personarum servientium eidem ecclesie competenter sustentari non possent, Ecclesias infra scriptas videlicet *Kilchem*, *Einmütigen* & *Matra*, quarum Jus Patronatus eis dinoscitur pertinere, dignaremur propter Deum, & ut magis cultui divino intendere possent, eorum mensæ & ipsorum usibus, quo ad temporalia applicare. Nos deliberatione prehabita diligenti attendentes ipsorum petitionem fore iuri consonam & equitati & rationi consentaneam eo, quod habitis facultatibus, de quibus honestam & decentem sustentationem habere possunt, tanto commodius & liberior divinis intendunt & intendere possunt, *obsequiis*, (b) & pacis auctorem colere cultum divinum exercendo, preces & supplicationem eorum duximus admittendas, & admittimus per presentes, dictasque ecclesias quo ad temporalia ipsorum mensæ & usibus

(a) In ipso instrumento quod hic confirmatur, additur vox *cottidie*.

(b) In dicto Instrumento pro *obsequiis* legitur *servitiis*.

applicamus & annectimus per presentes. Ita videlicet quod vacantibus predictis ecclesiis, quarum una iam vacat, videlicet ecclesia in Kilchem, ad quamlibet ipsarum Sacerdotem idoneum nobis presentent instituentem, pro Vicario perpetuo sub prebenda competenti, de qua Jura Episcopalia persolvere & sustentationem habere valeat competentem, Ceteris fructibus & obventionibus omnibus ad usus predictorum Prepositi & Capituli, quibus annexi auctoritate nostra & applicati sunt integraliter, convertendis, eisque liceat fructus & temporalia eiusdem ecclesie iam vacantis & aliarum duarum ecclesiarum predictarum suo tempore vacantium propria auctoritate sine requisitione ordinaria apprehendere, quarta tamen ecclesie in Kilchem predictae ac aliis iuribus episcopalibus omnibus nobis successoribus nostris Ecclesie Constantiensis & archidiaconi loci per omnia reservatis, adhibitis in premissis verborum & gestuum sollempnitatibus debitis & consuetis. In cuius rei testimonium sigilla nostra presentibus duximus appendenda. Datum & actum Constantiae anno Domini Millesimo trecentesimo vicesimo quinto feria tertia post festum Nativitatis Beate Marie Virginis, Indicione octava.

In cuius visionis & copie facte dictarum literarum testimonium presens instrumentum sigillo Curie nostre duximus sigillandum. Datum Constantie anno & die prenotatis.